

اوکوڈوہ اور مرایے مِتال

Ookwidhwa oomraayi mitaal

01 بایب قال یاسیاۃ، تلبات تمناؤه یسو ایت سنکر ویتے دهای اینیان۔

02 افریسیوہ، و هقے کنائیقاوہ هکوسی، «یاسیة داپیب یائشیش قود تئینیں»۔ ایدین۔

03 یسوا اری این ایمیل دهای هدیبیہ،

04 «بریسوکتے قال شیب ارقاب بریبیه، قال هوی گوڈنیک، کاک تورینہ؟ و اشیق تھونوہ یائشیق اشنتیت، اکو ڈاب تمیرنیب هدیت کتھرونه هن؟

05 تمزینہوپ اری مڈڈ اکای، و هرکای دهه تنقیکنہ۔

06 اینٹوہا اقرتیت اری پارویکناوہ، اشیو ویگوہ ولیکیت، انسے اور قتو امرے۔ ونیت افر هابو۔ قوڈو افر هانہ، ایاد اندے۔

07 اشیق تھونوہ اشیق داپیب سکن ٹوبات بھریواینکہ، آسے قال تویینہوپ، تیرنیتیب اوفر هه هن بک اکتے، اندھوکنہ۔

08 ترے نکت قات تون قوش بریبیه، قال گوڈشتیہوپ، کاک تورے؟ اوچو تیمهقے، لمبات ولایت، مریب هدیت هریو۔

09 مر ہوپ اری، تارو تیسوہ، تشوو تیسوہ ولیکیت، «ماہنہ قوڈو افر هانہ۔ اقرشی اکوڈستیب امرے۔» یتدے۔

10 اون هن بکو، آسے قال ٹوینہوپ، تملا ایکہ هن بک افر هین، اندھوکنہ۔ ایدے۔

11 ملیاب یسوا لبک ادے، «ملو ار ایبرے تک ایفے۔

12 واور اویس ابایا دهه، (بایوئی۔ امر اپیب اسہمہ هلان ہیوئیب)، ادے۔ اونک امرا ایوه مہلیوں دهای یاٹ۔

13 شنک امباپی هرای واقر اویس والٹو ایبھايت، سقے هاش بینتے ایبایاپیتے، هساب اٹو اکو یوریویت امالوہ کو ٹشیتے۔

14 امالوہ گوڈشیايت هرإ، بین و هاش اکرات هر فوے هوی داتنے۔ بروہ نات اٹو امھے۔

15 ملیاب شفای یکایت، بین و هاشیب تک قالنای قود شقامیتے۔ اونک نمائیتوہ سقلاسیسیہ، کھنسر ایسیو۔

16 اکھنسر تمیتیت ٹمارے تمیتیت اریتیتے۔ لاکین بروہ نات تیبونہ کتھاپی۔

17 اکھر اشوکنیوہ یاقرت (انے توی هر فویت انویبر۔ بابو اشقاپیاں هن ٹمارے توقدات تمین۔

18 بابیو دهای اقرتیت، «بایوئی۔ انے اکو استایے قبیوہ بریبیوک قبیروہ اماق سکن۔

⁰¹ B'eeb gaal y'aasiyaawwa, tilbaat tamanaawwa Yasuu'iit sinaakrooyti dehaay eeyaan.

⁰² Ifariisiwwa, whaggi kanaaniigaawwa hakwisee, «Y'aasiya daayiib y'anshiish gwad tamiini.» idii.

⁰³ Yasuu'a aree een eemtal dehaay hadiidiya,

⁰⁴ «Bareesookna gaal sheeb arginaab bariyeeh, gaal hooy kwidhiiniyeek, kak tiwariina? W'ashshadhig tamuunwa y'ashshadhig ishtiit, ikwidhaab timeerneeb hadiit kitehariwna han?

⁰⁵ Timarriinhoob aree madhadh akaay, wharkaay deha titfayikna.

⁰⁶ Eendhiwa agartiit aree y'araweenkaawwa, ishawaweenka waliikiit, «Ani w'arginu amri! Winneet afirhaabu. Gwadu afirhaana!» iyaad indi.

⁰⁷ Ashshadhig tamuunwa ashshadhig daayiib sakeen tuubaat bahariiwaayeeka, aasi gaal tuubiinahoob, tibreeteen uufirha han bak ikati, andihookna.

⁰⁸ Tari takat gaat tamin girsh bariyeeh, gaal kwidhishtinihoob, kak tiwari? Oogaw teemhagi, lambaat wal'iit, marriyeeb hadiit harriiw.

⁰⁹ Marrihoob aree, t'arawteeswa, tishawawteeswa waliikiit, «M'aana! Gwadu afirhaana! Ugorshi ukwidhshaneeb amri!» tindi.

¹⁰ Uun han baku, Aasi gaal tuubiinahoob, timalaaiika han bak afirheen, andihookna.» idi.

¹¹ Malyaab Yasuu'a bak idi, «Malu ar iiibri tak iifi.

¹² W'oor uudis ubaabaay deha, «Baabuunay! Umraayiib usehama hallaan hiyaheeb!» idi. Utak umraayooth mhalleeyoos dehaay y'adhdhidh.

¹³ Shalik imb'eyi har'ii w'oor uudis w'adhdhooh iiyhaayt, sagi haash beeti iibaabiya. Hisaab anu ikwiiruuyt umaalooh kwidhshiya.

¹⁴ Umaalooh kwidhshiyaayt har'i, been whaash akraat hargwi hooy daata. Baruuu naat anu imhi.

¹⁵ Malyaab shagaay yakiyaayt, been whaashiib tak gaalnaay gwad shagaamiya. Uutak tum'adaytooh shagaasiisiya, khansir isigw'ad.

¹⁶ Ikhansir tamiineet tum'ari tamyeet areeya. Laakiin barooh naat tiiyiwna kitehaay.

¹⁷ Aakhir ishuukeeyooh y'agart «Ani tooy hargwiit atoodiir. Baabu ishagaayaas han tum'ari toogwidaat tameen.

¹⁸ Baabiyu dehaay agartiit, «Baabuunay! Ani Ukwaasanaayi geebwa bariyook geebwa amaag sakan.

¹⁹ بَرِيُوْك اور أَتَيْوَدِيَّ دهَاي ڪَسْتَهَلُوْيَّت، إِشْقَامَنَايَت شِبِّهَهَب.»
إِيَادِ آنْدَے.» إِدَے.

¹⁹ Bariiyook oor attiyoodiyee dehaay ka'astehalanuuyt, ishagaamanaayt shibibaheeb!» iyaad andi.» idi.

²⁰ مَلِيَاب يَكِيَايَت أَبَابَايِ دهَاي يَاقَر. أَبَابَا سَقَ مُوبِينِي بِيَانِي رَهِيْنَهَب، نَأْكُو مَنْيَايَت، دهَاي ڏَابِيَايَت، هُوي يَهَبْت گُورَامِيَّة.

²⁰ Malyaab yakiyaayt ubaabaay dehaay y'agar. Ubaaba sagi mhiinii y'ee rhiyanhoob, n'akw manaayaayt, dehaay dhaabiyaayt, hooy yhalabt kwaraamiya.

²¹ وَأَور أَبَابَايِ دهَايِ، بَابُوَيِّ. أَنِي أَكُوا سَتَابِي قَبِيَّوَة بَرِيُوْك قَبِيَّوَة أَمَاقِ سَكَن. بَرِيُوْك وَأَور أَتَيْوَدِيَّ دهَاي ڪَسْتَهَلَن.» إِدَے.

²¹ W'oor ubaabaay dehaay, «Baabuunay! Ani Ukwaasanaayi geewwa bariiyook geewwa amaag sakan. Bariiyook w'oor attiyoodiyee dehaay ka'astehalan.» idi.

²² أَبَابَا إِشْقَى ٰلِيَكِيت، «أَشْقَانَة. دَارِرَهَهَ لَهَك سِتَوْكُونَة. كَهَايِهِمْ وَأَيِّبَ دِيَنَه. قَدَّاتِ أَرِي شِبَنَة.

²² Ubaaba ishaggay waliikiit, «Ashshigaana! Daawri halak sitookwna! Khaatim w'ayiib d'iina! Gidh'aat aree shibna!

²³ ثَمَنَيِ دهَايَوَه، هَذَابِ أَفِرْهَنِي دهَايَوَه لَقَة ازْهَابِ هَرَدَنَه.

²³ Tamnayee dehaaywa, hiddaab afirhinayee dehaaywa ulaga oodhhaab haridna!

²⁴ أَون وَأَورُو سُورِيَا إِيَفَيَ، تَأْ لَاكِينِ إِدَهَنِ سُورِيَا إِيَفَيَ، تَأْ لَاكِينِ مَرَأِيَاوَه.» إِيَيَّتِ، أَكَرَهَهَ دَاهَيَهَا.

²⁴ Uun w'oru suur ayaa iifi, t'a laakiin idhhan! Suur kwidhaa iifi, t'a laakiin maraayu.» idiit, akra firha daaya.

²⁵ وَأَور أَوْوَنْ ثَمَدَيِ أَبَايِ أَكَايِ، أَفِرِي إِنْدَوَهِ إِدَلَهَبِ، بَسِنْكَوْبَه لِلَّاتُوَهَهَ هَوَانَوَهِ إِمَاسِيَّه.

²⁵ W'oor uuwin tum'aday abaay akaay, agaree eendhiwa idwilhoob, basinkoobwa lilaatwa hawaatwa imasiwi.

²⁶ أَشْقَيَّب قَال ٰلِيَكِيت، «نَانِ أَكَاثُو؟» إِدَے.

²⁶ Ishaggayeeb gaal waliikiit, «Naan akaatu?» idi.

²⁷ أَشْقَاعِيِّي أَرِي، «أَسْتُوك سَلَمَمَهِ إِيَيَا. بَأْوُكِ أَرِي لَقَة ازْهَابِ هَرَدَبُو.» إِدَے.

²⁷ Ushaggaay aree, «Usanuuk sallamama eyyaa.

²⁸ وَأَور أُسُورَكَنَه وَتَبَتْ قَبِيَّه. اَوْقَوْ أَشْوَمَتْ إِرَبِ، اَوْقَوْ شُومِيِّي دهَايِ أَبَابَايِهِ أَكَرَابِ هُوي يَهَرَوِ.

²⁸ Baabuuk aree ulaga oodhhaab hardaabu.» idi.

²⁹ أَبَابَايِ دهَايِ، بَابُوَيِّ. أَنِي كَسَوَهَبِ ٰكِشَابِ دهُوكِ شَقَامِيِّي مَسِيِّهِنَاتِ دهُوكِ بَارِيَبِ. بَرُوكِ يَأْرَوَيِّي فُودِ هَايِ أَفِرِهِيَّتِي نَيَّاتِهِنِ إِيمِيَاوِيَّبِ تَرَبَّهِ.

²⁹ Ubaabaay dehaay, «Baabuunay! Ani kassoohob ukishaayt dehook shagaamee masi han naat dehook baariib. Baruuk y'araweeyi gwad haay afirhiyet n'aayt han imiyaaweeb tiriba.

³⁰ لَاكِينِ وَأَورُوكِ أَمَالَوكِ كَسَوَهَبِ مَاتِيَبِ گُوْدِشِبِيَّاتِ يَاقَرِهِبِ، لَقَة ازْهَابِ دهَايِ تَهَرَّدَه.» إِدَے.

³⁰ Laakiin w'oruuk umaalook kassooh m'ateeb kwidhishiyyaat y'agarhoob, ulaga oodhhaab dehaay teharida.» idi.

³¹ أَبَابَايِ، «وَأَورُوَيِّي. كَسَوَهَبِ قُوْدُو تَيَّفِيَّهِ. أَنِي أَبَرِيَّتِي أَرِي كَسَوَهَبِ بَرِيَّتِكُو.

³¹ Ubaaba aree, «W'oruuunay! Kassoohob gwadu teefiya. Ani abariyeet aree kastuuuh baritooktu.

³² لَاكِينِ هَذَابِ أَفِرِهِيَّتِي تَوَنَاتِي، أَسْتُوكِ سُورِيَا إِيَفَيَ، تَأْ إِدَهَنِ، كَوْدَهِ إِيَفَيَ، تَأْ إِمَرَهِ، يَسُوُّا إِدَے.

³² Laakiin hiddaab afirheenyet toonaati, usanuuk suur ayaa iifi, t'a idhhan, kwidha iifi, t'a imri.» Yasuu'a idi.